

Epistola Patris Mathurin le Petit ad R. P. Franciscum Retz, Præpositum Generalem Societatis Jesu, Romæ.

R. A. P.

Missio Ludovisiana luget duobus hoc anno orbata Missionnariis. Patrem Gabrielem Guymoneau e provincia franciæ post 20 annos in Missione Illinensi transactos sex dierum pleuritis e vivis sustulit die 6^a februarii, magno omnium et quidem Indorum desiderio quorum ãos [animos] eximio morum candore et virtutum õium apostolicarum exemplo jam pridem demulserat.

Patrem Senat e provincia tolosana qui in eadem regione alteram Illinensium missionem a 18 mensibus tantum sed magna jam linguæ peritia et majori studio excolebat, belli casus nobis preripuit die dominica palmarum. Exercitum nostrum ex gallis et indis conflatum adversus Barbaros nomine tchikakas hujus coloniæ hostes comitabatur auxilii spiritualis causa. Infelix fuit hujus belli exitus. Nostri ab hostibus cæsi sunt aut in fugam versi. Potuisset P. Senat, ut multi, saluti suæ fuga consulere: sed equum sibi oblatum dedignatus maluit se barbarorum furori permittere quam generosum exercitus ducem et alios gallos quos videbat præ vulneribus humi